



Cumün da Zernez  
Administraziun  
Urtatsch 147A  
7530 Zernez

T +41 81 851 44 44  
zernez@zernez.ch  
www.zernez.ch



# PUBLICAZIUN UFFICIALA dals 7 lügl 2021

Il commember dal cussagl da scoula, Linard Godly ha demischiunà sia carica süls 31 october 2021. Dürant l'utuon 2021 sto avair lö ün'elecziun da rimplazzamaint da quista commembranza i'l cussagl da scoula pel rest da la perioda d'uffizi fin als 31 december 2022.

Il president da la cumischiun sindicatoria, Arno Felix ha demischiunà sia carica süls 30 november 2021. Dürant l'utuon 2021 sto avair lö ün'elecziun da rimplazzamaint da quista commembranza illa cumischiun sindicatoria pel rest da la perioda d'uffizi fin als 31 december 2022.

L'organisaziun da las elecziuns as basa a la constituziun cumünala ed a la ledscha da votaziuns e d'elecziuns cumünala.

Cun quista publicaziun vegnan votantas e votants infuormats in detagl sur dals pass organisatorics da quistas elecziuns.

**La supprastanza cumünala supplicha a votantas e votants da's far impissamaints sur da candidaturas i'ls gremis politics ed uschè da muossar interess vi dal svilup da nos cumün.**

## Gremi CUSSAGL DA SCOULA

L'elecziun da rimplazzamaint ha lö a basa da l'ultima revisiun da la legislaziun cumünala sur tuot las quatter fracziuns oura.

Pel prüm scrutin nun es üna candidatura in scrit necessaria.

I'l cas chi vessan d'entrar candidaturas in scrit, vegnan talas il plü tard il prossem di da lavur da l'entrada publichadas aint il sistem digital d'infuormaziun ed aint il internet.

Ils noms dals candidats vegnan in quists cas comunicats insembel culla documainta d'elecziun, scha la documainta d'elecziun nun es amo gnüda tramissa.

Candidatura pel mumaint nun sun cuntshaintas ingünas candidaturas officialas

Dal gremi sorta **Linard Godly** sco commembra dal cussagl da scoula

## Gremi CUMISCHIUN SINDICATORIA

L'elecziun da rimplazzamaint ha lö a basa da la legislaziun cumünala sur tuot las quatter fracziuns oura. Pel prüm scrutin nun es üna candidatura in scrit necessaria.

I'l cas chi vessan d'entrar candidaturas in scrit, vegnan talas il plü tard il prossem di da lavur da l'entrada publichadas aint il sistem digital d'infuormaziun ed aint il internet.



Cumün da Zernez  
Administraziun  
Urtatsch 147A  
7530 Zernez

T +41 81 851 44 44  
zernez@zernez.ch  
www.zernez.ch



Ils noms dals candidats vegnan in quists cas comunicats insembel culla documainta d'elecziun, scha la documainta d'elecziun nun es amo gnüda tramissa.

Candidatura **pel mumaint nun sun cuntschaintas ingünas candidaturas ufficialas**

Dal gremi sorta **Arno Felix** sco commembra ed actual president da la cumischiun sindicatoria

Il prüm scrutin per las elecziuns da rimplazzamaint dal cussagl da scoula e da la cumischiun sindicatoria ha lö a l'urna in

**dumengia, ils 26 settember 2021.**

L'entrada in uffizi es previssa per l'elecziun i'l cussagl da scoula süls 1. november 2021, però il plü tard süls 1. schner 2022, per quella illa cumischiun sindicatoria süls 1. december 2021, però il plü tard süls 1. schner 2022.

Quist'elecziun da rimplazzamaint vala per la dürada da la perioda d'uffizi fin als 31-12-2022.

### **Eventual seguond scrutin**

I'l cas chi fess dabsögn d'ün seguond scrutin, schi vegn comunicada a temp üna data correspondent. Probabelmaing vess quella lö in dumengia, als 28 november 2021.